


中山世譜


四

和書門類	四二六〇
函號	一三四
架	六
冊	九

內閣文庫	和書類	四二六〇
函號	一三四	九
架	六	五八

內閣文庫		
番號	和	42650
冊數	8 (3)	
函號	178	384





譜卷六

內一〇四〇八號

尚稷王未嘗即位以王祖正統之
重追尊稱王故王統圖中不敢稱王

童名及誕壽不傳乃葉壁伊是名首見村人也

父母不傳名氏

妃瑞雲 童名不傳 洪武二十九年丙子生 宣德九年甲寅二月初二日薨 壽三十九 葬

于葉壁陵

長子曰尚圓 次曰尚宣 威 葉壁遺老傳尚圓王

宣威又有一叔一姑即今葉壁世稱阿武加那
志者其姊之後也稱茗川里主者其叔父之後



也稱多嘉屋田阿武者其姓之後也皆世受襲爵著為定規然無有典籍可考故註以記焉

明宣德九年甲寅薨 墓在業壁今稱其墓曰玉陵

康熙三十八年己卯二月初七日以正統王祖

之重追尊稱王奉祀于圓覺寺宗廟

或曰尚稷乃義本之

後或曰天孫氏之裔未知孰是然以王統之所開而考之則先王之後胤或有故而處于彼島無疑矣不然則彈丸蛟島亦能得有此大福耶

尚圓王

童名思德金神號金丸按司添未續之王仁子

明永樂十三年乙未降誕王生得德威儼然有

龍鳳之姿天日之表并足下有痣色如黃金未

即位時有泊村人大安里者一見曰此人可居

億兆之上矣

父尚稷

母瑞雲

妃世添大美御前加那志童名宇喜也嘉號月

光父名不傳始稱世添御殿大按司加那志正

統十年乙丑生弘治十八年乙丑三月一日

薨壽六十一

葬于玉陵

王有一男一女世子曰尚真後登王位女子曰聞得

大君加那志童名音智殿茂金號月清無後皆

也生

附記

尚尚圓王金丸生而有賢德輔父為耕宣德九年

甲寅金丸年二十歲父母俱喪時弟宣威五歲

金丸憂若以農為業每遇天旱民田皆涸金丸

之田獨有水漫漫人皆疑為盜水常與金丸不

睦或將害之金丸無言可辨正統三年戊午歲

二十四竟棄田園自携妻弟涉海至于國頭既

居數年亦如此金丸盡心待之終不見容正統

六年辛酉歲二十七又携妻弟始至首里托身

於王叔尚泰久時泰久為越來王子尚泰久見其居動大

異常人薦之于王

尚思達王之世

始為家來赤頭勤職

數年同僚敬信景泰三年壬申

尚金福王之世

歲三十

八陞黃冠後尚泰久即位景泰五年甲戌任

內閣領主僅歷一年百姓大服名聞于世天順

三年己卯歲四十五陞御物城御鎖側官敬以

事君信以使人賞罰當理言行足法那霸四邑

受其教化及海外諸島莫不感服王素信之允

有政事必召金丸相議天順四年庚辰王薨世

子尚德立資質敏捷才力過人知謀自用不納

賢諫巧言飾非擅殺良民金丸進諫曰臣聞君

王之道持己以德養民以仁務在于為民父母

今王廢朝綱壞典法妄防忠諫擅殺無辜恐非

為父母之道伏願廣納忠諫痛革前非舉賢士

退不肖興政施仁視民如子則民怨可弭社稷

可安矣王怒曰順我者賞逆我者罰汝焉敢妄

諫我耶拂袖而起厥後王幸于久高遵例致祭

還至與那原時隨駕者皆有饑色王急捉駕不
給酒食金丸諫曰先王例幸于久高深念臣士
饑勞必于此處賜給酒食然後起駕著為典例
乞暫停駕給之王勃然有怒色群臣畏懼不言
金丸曳衣哭諫不敢退而後王從之嗣是而王
暴虐日甚金丸屢諫不聽成化四年戊子八月
初九日金丸歲五十四仰天嘆息致仕以隱于
內間明年己丑四月王薨當時法司欲立世子

仍遵典例集群臣于闕庭說知此事群臣皆畏
法司權勢默而不言忽有一人老臣鶴髮如雪
挺身出班高聲言曰國家乃萬姓之國家非一
人之國家也吾觀先王尚德之所為暴虐無道
不念祖宗之功德不顧臣民之艱苦廢朝綱壞
典法毒殺良民擅誅賢臣國人昏怨天變累加
自招滅亡此天之所救萬民也幸今御鏡側宦
金丸寬仁大度更兼恩德布於四境足為民父

母此亦天之所生我君也宜乘此時廢世子立
金丸以順天人之望何不可之有言未畢滿朝
臣士齊聲允諾其響若雷貴族近臣見其有變
爭先逃走王妃乳母擁着世子隱于真玉城兵
追殺之既而群臣捧鳳輦衣前至內間迎接
金丸大驚曰以臣奪君忠耶以下叛上義耶爾
等宜滯首里而擇貴族賢德之人為君言畢淚
流如雨固辭不起又避隱于海岸群臣追從極

言力請金丸不得已仰天大嘆竟脫野服着龍
衣至首里踐大位而中山開萬世王統之基後
名其岸曰脫衣岩俗呼其岩田且西原間切嘉
手刈村所謂內間御殿者乃金丸舊宅也今皆
存焉

附 尚圓王未即位之前屢有奇事五年二
十歲一時失父母孤窮甚極是一奇事也民
田旱涸王田水盈是一奇事也島民嫉忌屢

欲殺之王雖孤窮終不能加害是一奇事也
至國頭亦如此是一奇事也受仕于尚德之
朝者多被殺戮王獨屢諫不見殺是一奇事
也嗚呼非天命之主烏能如是也哉

紀

明成化六年庚寅即位

國相

不傳

法司武實

其餘不傳

尚圓王踐大位

次月有神出見進號曰余

除其

虐政改定善法以寬治民以仁施政于是先朝
道隱之士歡欣願仕君子進小人退風俗雍變
百姓樂業且遵已志王之制遣大臣監守山北
以致昇平之感

本年遣正議大夫程鵬等奉表貢方物福建按
察司奏言琉球貢使程鵬至福州與委官指揮
劉王私通貨賄俱應究治 憲宗宵之宴賚如

例 時未以尚德王訃告于朝

七年辛卯遣長史蔡環使者兵司馬益周間來

壁 三通事梁應等奉表貢方物并以尚德王訃

告于朝 並請襲爵 憲宗命戶科都給事中丘

弘行人司行人韓文為冊封正副使 丘弘行至山東

病卒改命兵科給事中官榮 時蔡環等竊以織金疋羅製為

錦衣刑部鞠之蔡環等因稱是國王受賜于先

朝者事聞 憲宗命禮部稽舊籍有無禮部曰

無遂沒入內庫仍勅諭國王知之

八年壬辰遣長史梁應等貢馬及方物享賚如

例時福建三司官奏稱琉球國人先因進貢得

居內地遂成家業年久不還應盡遣之 憲宗

命禮部議禮部奏曰其人若承戶部勘合許入

籍者依舊令居其餘如請 憲宗從之

本年 憲宗遣正使官榮副使韓文齎勅至國

諭祭故王尚德封尚圓為琉球國中山王仍賜

王及妃冠服綵幣等物

勅曰 成化七年辛卯七月初八日發

惟爾克世撫有海邦臣事皇明克篤忠敬乃父
尚德紹襲王封曾未數年遽焉薨逝爾為家嗣
或克象賢宜承爵命統其國人茲特遣正使給
事中官朶副使行人韓文齋詔封爾為琉球國
中山王并賜爾及妃冠服綵幣等物爾宜永堅
臣節益順天心常懷事大之誠用廣承先之志
欽哉故諭

本年秋季王遣王舅武實平議大夫程鵬長史季
榮使者明泰通事蔡璋等奉表貢方物謝襲封

恩 翌年 宴賚如例武實具呈言國王常遣人往

滿喇加國收買貢物奈遭風壞船漂至廣東有
司轉送福建願自備工料修船回回 憲宗許
之武實等還次福州修船時其僉從人等殺人
劫財事聞 憲宗命禮部議禮部奏言琉球每
年入貢故生奸弊乞命二年一貢 憲宗從之

九年癸巳秋王遣長史蔡環使者沈滿志閣那
益沙美倪始等貢方物宴賚如例

十年甲午秋王遣正議大夫程鵬長史李榮使
者秦羅等貢方物附奏乞如常例歲一朝貢禮

部奏曰去年福建守臣言琉球使臣登岸焚劫
非法殊甚宜令程鵬等齎勅諭王並定貢期

憲宗令程鵬等齎勅諭王追究惡徒依法懲治
并定例二年一貢止許百人多不過加五人除

正貢外不許私附貨物并逐次騷擾有違國王

忠順之意 本國二年一貢自此而始

十一年乙未秋王遣長史梁應使者達魯通事

林茂等謝恩貢方物會 憲宗立皇太子梁應

因乞如朝鮮安南例賜勅齎回禮部奏琉球日

本占城皆海外國例不頒詔 憲宗曰琉球遵

化已久特命降勅并以錦幣令梁應等齎回賜

王及妃

附 成化年間王命輔臣建寺名天王而為家

廟之備 弘治七年尚真王建宗廟于圓覺寺故

妃神主皆奉于此寺 王又卜地於泊村東南之

節節致祭著為典例

開創建中山國王廟而廟側建寺名崇元其制

與家廟大異每會 冊封之時則 諭祭之禮

有行于此廟實非私廟之所較也故是廟也自

舜天而下惟即位者必奉安此廟而春秋二仲

以中華之禮祭之著為定規 或日本國受冊封

大典自尚巴志始

宣德年間尚巴志迎按冊使由此創建此廟而

有行諭祭之禮也歟蓋是誤也夫本國受冊封

之典自武寧始也以此考之則自武寧以至尚德豈

始非思紹也以此考之則自武寧以至尚德豈

可無國廟之設耶况察度之世始通中朝太祖

賜三十六世而禮法咸典則有國廟之設也明

矣豈必為至巴志而後設廟也乎又曰察度壽

影傳在于萬壽寺萬曆年間為火災所失然今

察度武寧思紹巴志神主尚且留在于萬壽寺

則萬壽寺乃察度武寧之所建而思紹巴志續

以用之也可知矣後至泰久始建天界寺而尚

泰久尚德神主奉安于天界寺又遺老傳云昔

者諸王以慈恩寺為廟其與王城尤近尚德

七後其貴族入廟不特泣哭其聲聞于王官曰

是尚圓王卜地于泊村改建國廟云以此考之

則自武寧以至尚德皆有各設廟堂而行諭祭

之禮也無疑矣毛氏大安里家譜有云又建寺
尚圓王始建國廟並崇元寺信非誣也
於浦添村名龍福而為歷朝王廟先是宋咸淳
始建寺于浦添城西名極樂疑是英祖之家廟
也歟歷年既久至于荒壞乃移建于浦添城南
又為火災所滅由是尚圓王移建浦添
村改名龍福並遵舊制以為歷朝王廟
寺皆成化年間尚圓王所建也惟年紀不詳
故合紀焉

十二年丙申七月二十八日薨在位七年壽六
十二葬于見上森陵此日百官庶人如喪考妣

弘治十四年辛酉尚真
王始築王陵而移葬焉

本年秋季遣長史李榮使者杜那琦通事蔡璋等
奉表謝恩先是使臣長史梁應等齎勅及錦幣

歸賜王故遣使謝時未以尚
圓王訃告

本年秋季遣正議大夫程鵬等貢馬及方物復奏
乞歲一遣使朝貢憲宗不許
時未以尚
圓王訃告

尚宣威王

神號西之世主

童名不傳

明宣德五年庚戌降誕

父尚稷

宣威係第二子

母瑞雲

妃名號不傳

附紀

尚宣威五歲失父母被兄養育十二歲隨兄至

首里景泰四年癸酉

尚金福世

歲二十四陞家來赤

頭天順七年癸未尚德歲三十四陞黃冠成化

六年庚寅歲四十一因尚圓登王位乃以王

弟之貴領越來問切而稱越來王子成化十二

年丙申尚圓王薨世子尚真時稱久米年甚

幼冲群臣奉王弟尚宣成而就大位

紀

明成化十三年丁酉即位

尚尚宣成以尚真幼冲之故權登大位是年二月

陽神君于摩出現尚宣成以為慶賀之禮而

照例穿衣冠坐于王位尚真侍坐其側舊例國

君即位君君諸神作賀必自內殿出至奉神門

後東面而立奈何此日皆西面而立與舊例異

滿朝臣士驚疑無措頃間諸神有訖宣以世子

尚真為君尚宣成聞訖言謂諸臣曰尚真雖

幼冲誠是命世之真主也爾等宜同心輔翼以

保邦家我非其命強踐大位恐有戾于天遂奉

尚真為君而在位六個月退隱于越來是年八

月初四日薨葬地不傳壽四十八謚義忠今其子孫世領越來

[Faint bleed-through text from the reverse side of the page]

尚真王

童名真加戶樽金神號於義也嘉茂慧成化元

年乙酉降誕

父尚圓王

母月光

妃居仁毛氏越來親方宣之有二夫人一曰思

戶金按司加那志號華后正德十一年丙子三月十一日卒生壽不

傳謝氏知名親雲上一曰茗刈子之女號名不傳

成良之女葬地不詳

王有七男一女長子曰尚維衡稱浦添王子乃王妃毛氏所生

次曰佐司笠按司加那志童名真鍋樽瓶慈山

嫁馬氏魏島若次曰尚朝榮稱大里王子無

列子女所生仁王子次曰尚龍德稱越來王子

曰尚韶威稱今歸次曰尚亨仁稱金武王

曰尚清後登王位夫次曰尚源道稱豐見城王子

曰尚源道無後俱母不傳

尚明成化十三年丁酉即位

國相傳不

法司馬怡世馬審禮麻勃都裔孫真牛金稱幸地大

屋子森見于嘉靖元年士午右門碑記裔孫不存楊大鶴毛文英馬誠

驥其餘交代者皆不傳任職在職年月不詳故合紀焉

尚真王性質英明謙已受益及其長成能繼先

志善述父業務精于治百僚分職群臣授官簪

以金銀冠以黃赤俗稱冠曰八卷而定貴賤上下之分

設朝儀于朔望列拜班于左右而定大小朝儀

之禮又舊制分地封按司由是各據城池互相
爭伐兵亂不息王始改制定度諸按司皆聚居
首里解散兵柄遙領其地歲遣督官一員治之
國以寧然又遣第三子尚韶威導依舊制監守
山北稱今歸仁王子而其子孫維守山北世受
襲爵稱按司至康熙年間尚貞王以山北
寧寧之故始命移居于首里又藏
刀劍弓矢之屬以為獲國之其時宮古島獻寶
劍一口名治金丸寶玉六貫名真珠又令三府

及三十六島重正經界定稅納貢又本國舊制
國君葬禮令數人為殉王曰彼亦人也豈可忍
哉卒禁之嗣是而治道大明政刑咸備以致雍
熙之治所定之條年月
不詳故合紀焉

本年秋王世子尚真遣長史梁應使者吳是佳
通事梁德等翌年
至京以尚圓王訃告并請襲封
附奏乞如舊例一年一貢部議不可
十五年己亥世子尚真遣長史李榮等奉表貢

方物并迎封舟 憲宗賜宴及衣幣如例仍遣
正使兵科給事中董旻副使行人司右司副張
祥賚勅至國諭祭故王尚圓封尚真為中山王
并賜王及妃皮弁冠服金鑲犀帶綵幣等物遺
傳云志順可嘉四 勅曰惟爾先世繼承王封
字匾額此時賜之
事我 皇明忠敬弼篤乃父尚圓自襲王爵効
職良勤胡不永年遽焉薨逝爾為家嗣國入歸
心矧克象賢宜膺爵命茲特遣正使兵科給事

中董旻副使行人司右司副張祥賚詔封爾為
琉球國中山王并賜爾及妃冠服綵幣等物爾
宜儉以脩身懋勤保境安民之道敬以養德篤
堅順 天事大之心作鎮海邦永延其祚欽哉
故諭 詔曰惟我 皇明膺 天成命君主華
夷德化誕敷無間遠通爾琉球國世居海濱密
通聲教慕義稱藩蓋有年矣故國王尚圓敬
天事大保境安民職貢歲脩禮意無忒方隆屏

翰之北豈意訃音來聞遠臣云堯良用悽愴封
建常典在所舉行其世子尚真稟性純篤素得
國人之心奉表請封實謹藩臣之禮茲特遣正
使兵科給事中董旻副使行人司右司副張祥
賈詔往封為琉球國中山王仍賜以皮弁冠服
等物凡國中官僚耆舊尚宜同心翼贊協力匡
扶禮度無踰先猷懋績庶撫一方於寧謐共享
多福於久長故茲詔示想宜知悉

本年秋王遣王舅馬怡世正議大夫程鵬長史
蔡曦等奉表獻方物謝襲封恩并附奏曰臣伏
讀祖訓條章許臣國不時朝貢故自臣祖父以
來皆一年一貢通年舊巡撫福建大臣以臣國
使有違法窺利者令臣二年一貢此誠臣之罪
也然臣祖宗所以殷勤効貢者實欲依中華眷
顧之恩杜他國窺伺之患乞如舊制令臣一年
一貢以保海邦 憲宗不許翌年庚子王舅馬

怡世回國之日 憲宗仍賜王勅以諭之 勅
曰曩因爾國使臣入貢徃徃假饋送為名汚我
中國臣工其實以為己利又不能箝束僮從以
致殺人縱火強劫民財又私造違禁衣服俱有
顯跡故定為二年一貢之例朝廷富有萬方豈
為爾一小國而裁省冗費哉此例既定難再紛
更特茲省諭王其審之故諭 憲宗曰
十七年辛丑秋王遣正議大夫梁應長吏蔡曦

使者泰那等奉表貢馬及方物并乞以陪臣子
蔡賓等五人於南京國子監讀書 憲宗曰海
南遠人嚮慕文教朕甚嘉之令有司如舊制歲
給衣服廩饌毋令失所俾通知中國禮儀永遵
王化禮部奏曰琉球國進貢舊制到京少則四
五十人多則六七十人俱給賞有差迺因各國
進貢率多奸弊每國止許五七人不過十五人
到京餘俱留邊以俟命今該國使臣止容正議

大夫梁應等十五人赴京照例給賞其餘六七
十人保留邊宜勅布政司發官帑以次均給庶
不至甚失柔遠之意 憲宗從之時梁應等又
上疏以不時進貢為請禮部又奏琉球其意實
假進貢以規市販之利宜勿聽 憲宗令梁應
等領勅歸諭王 勅曰朝廷定爾國二年一貢
已其前勅臣之事君遵君之勅可也屢違勅奏
擾可乎所以固拒者非為惜費蓋二年一貢正

合中制朕恤小之意實在此王其欽遵毋事紛
更故諭

十九年癸卯秋王遣正議大夫程鵬長吏蔡璋
等貢馬及方物奏言永樂年間所賜海船破壞
已盡止存其三乞自備物料於福建補造禮部
議許造其一

二十一年乙巳秋王遣長史蔡曦等貢馬及方
物時官生蔡賓等在監肄業已五年王咨禮部

請放回省親。憲宗曰：昔陽城在太學，諸生三年不歸者，斥之矧賓等遠人，豈可長留不遣乎？竟命放歸，少遂定省之私。

二十二年丙午秋，王遣王舅馬審禮、長史鄭玖等貢方物謝恩時會。憲宗既崩，孝宗登極，已四月矣。孝宗賜馬審禮等冠帶衣幣，有差，仍命領詔，并錦幣賜王及妃。

明弘治元年戊申，孝宗登極，改元弘治。先是成化二十三年丁未，王遣皮揚那通事林榮等貢方物。皮揚那從浙江人貢。孝宗曰：貢道當由福建，且貢非其時，命却之。皮揚那等且以國王咨禮部，文言成化二十一年本國正議大夫程鵬等進貢回國報知。皇太子冊妃，由是王遣使表賀，並貢方物。禮部奏言：琉球入貢，雖與例限不合，然遠人之情，可念。况箋文方物已至，京難於終却，請暫賜容納。後仍以舊例裁之。或

因福建風水不使取路浙江亦令審實奏請方
許起送今次所給之副使綵緞等物宜如舊例
番伴從人減半以示裁折之意 孝宗從之時
祭賓亦隨貢使至其呈言成化中賓嘗讀書南
京國子監今吏部侍郎劉宣時為祭酒特加撫
恤乞容執贄於宜處致謝 孝宗許之

二年己酉秋王遣馬仁通事蔡實等進 大行

皇帝香 重五 月遣王舅麻勃都正議大夫梁德

等 三年庚戌至京 貢方物表賀 孝宗登極麻勃都具

呈言本國來貢人員近止許十五人赴京物多
人少恐致疎失又言本國貢船抵岸所在有司

止給口糧百五十名其餘多未得給 孝宗命

來京許增五人增口糧二十名著為例時有松

氏比屋執頭者始學烟花藥法 本國為烟花
戲自此而始

本年秋王遣長史梁能等奉表貢方物宴賚如

例

四年辛亥秋王遣正議大夫梁德長史鄭玘等
貢方物賜王錦緞并宴賚如例

五年壬子王命輔臣創建圓覺寺三年并荒神

堂延老僧芬隱為開山住持

六年癸丑秋王遣正議大夫梁德長史梁能等

貢方物賜王錦帶等物并宴賚如例

七年甲寅王命輔臣構宗廟于圓覺寺方丈右

側謂之御照堂

奉正統昭穆諸
位神主而祭焉

八年乙卯秋王遣正議大夫鄭玘長史蔡賓等
貢方物賜王錦緞并宴賚如例

九年丙辰王命輔臣新鑄巨鐘建其樓于圓覺

寺而懸鐘焉

十年丁巳秋王遣正議大夫程連長史梁能等

貢方物賜王錦緞及宴賚如例

十一年戊午王命長史梁能通事陳義于圓覺

寺山門外督造石欄及橋

十二年己未秋王遣正議大夫鄭玟長史蔡賓
等貢方物賜王錦幣并宴賚如例
十三年庚申王發兵征八重山先是宮古島八
重山自洪武年間以來每歲入貢往來不絕奈
八重山酋長有掘川原赤峰者心變謀叛兩三
年間絕貢不朝時宮古島酋長有仲宗根豐見
屋者與赤峰不睦赤峰將攻宮古二島騷動事
聞于中山由是王命大里等九員為將并撥大

小戰船四十六以仲宗根為導本年二月初二
日那霸開船十三日前至八重山石垣之境大
里等上岸只見赤峰領家兵背嶮岨面天海布
擺陣勢又令婦女數十人各持枝葉號天呼地
萬般咒罵似行法術大里等驅軍大進賊兵及
婦女畧無畏懼賊陣開處赤峰首出搦戰大里
大疑曰賊奴銳氣不可輕敵遂將四十六艘分
為兩隊一隊攻登野城一隊攻新河赤峰首尾

不能相應官軍乘勢攻擊甚急賊兵大敗降者
無數赤蜂被擄伏誅大里等另立酋長撫安百
姓奏凱而歸嗣後朝貢如例
十四年辛酉新築玉陵奉先王尚圓移葬于
玉陵
本年秋王遣正議大夫程璉長史梁能等貢方
物奏請于福建補造海船以便往回
孝宗許
之賜賚如例

十五年壬戌王命輔臣于城門外鑿地作沼建
堂于水中以藏朝鮮國王所進方冊藏經
先是尚德
王遣使至朝鮮進禮物時朝鮮王李琛以方冊
藏經北使者帶回進尚德王王亡後其經尚存
故尚真王建堂藏之歷年稍久堂壞經朽而成
空地天啓元年辛酉尚豐王改建辨財天女堂
十六年癸亥王遣吳詩等往滿喇加國收買貢
物遇風漂至廣東舟覆上岸吳詩等一百餘人
為邏卒所獲廣東守臣以聞
孝宗命送吳詩
等至福建給糧贍養候本國貢使歸之

十七年甲子秋王遣正議大夫程璉鄭玳長史
梁能蔡賓等具奏言前使遇風未回致失二年
一貢之期仍以補貢納之時會 孝宗崩武
宗登極命行人左輔頒詔至國

明正德元年丙寅 武宗登極改元正德是年

秋王遣王舅亞嘉尼施長史蔡賓等貢馬及方

物并表賀 登極 翌年丁卯 附奏乞每歲一貢

以抒微忱禮部議宜勿聽 武宗曰琉球久守

節義特許定一年一貢特長史蔡賓其呈乞自
備工料修造貢船二隻禮部議奏宜令鎮巡官
驗實量修不必改造賓復請 武宗曰賓善人
也特許其請令補造如式

二年丁卯秋王遣正議大夫程璉長史蔡栢等
貢方物謝恩

三年戊辰王命輔臣始造丹墀石欄及龍柱以

弘國殿之壯觀 翌年己巳告成

本年秋王遣正議大夫梁能長史蔡遷等貢方物宴賚如例

四年己巳秋王遣正議大夫程璉長史陳義等貢方物并請以官生蔡進等五人入監讀書

武宗許送南監仍給衣廩等物如例

五年庚午秋王遣正議大夫梁能長史蔡遷使者佳馬度等貢方物宴賚如例

六年辛未秋王遣正議大夫梁寬長史陳義使

者鴉麻度等貢方物宴賚如例

七年壬申秋王遣長史蔡遷等貢方物宴賚如

例

八年癸酉秋王遣正議大夫梁能等貢方物宴賚如例

九年甲戌秋王遣長史陳義等貢方物宴賚如

例

十年乙亥秋王遣正議大夫梁能使者麻佳尼

等貢方物宴賚如例

十一年丙子秋王遣正議大夫陳義使者馬參

魯等貢方物宴賚如例

十二年丁丑秋王遣長史蔡遷使者馬加尼等

貢方物宴賚如例

十三年戊寅秋王遣使者麻美子馬五喇通事

高義等貢方物宴賚如例

十四年己卯秋王遣使者馬勃度通事鄭昊等

貢方物宴賚如例

十五年庚辰秋王遣長史金良等貢方物宴賚

如例

十六年辛巳秋王遣使者椰馬度都通事蔡樟

等貢方物宴賚如例

附正德年間王命輔臣創建西御殿以為待

天使之所又日本僧日秀上人隨流至國自建

社官于金武村

觀音寺何代何年
建之今不可考焉

明嘉靖元年壬午世宗登極改元嘉靖王遣
王舅達魯加尼等進武宗香并貢方物表賀
登極世宗賜王及妃錦幣等物仍命禮部遵
先朝舊制二年一貢每船百五十人為限
二年一貢
亦從
此定

二年癸未秋王遣正議大夫鄭繩長史金良等
貢方物謝恩往抵洋中遇風分散金良先至具
呈言正議大夫鄭繩領謝恩方物渡海風漂未

至而表文在此請得先進世宗許之鄭繩漂
回舟敗人皆上岸乙酉王仍遣鄭繩補進方物
福建守臣以聞世宗命就彼中宴賚如例遣
還方物時王遣官生蔡廷美鄭富梁梓蔡浩至
閩請就國子監讀書福建守臣以聞留二年而
後就監世宗令禮部照例給粟米薪炭及冬
夏衣服
四年乙酉秋王遣長史金良等貢方物宴賚如

例 中山世譜卷七

五年丙戌十二月十一日薨在位五十年壽六

十二葬于玉陵仁厚英明進賢用能百度

悉舉大致昇平

[Faint bleed-through text from the reverse side of the page]

中山世譜卷七

尚清王

童名真仁堯樽金神號天續之按司添明弘治

十年丁巳降誕

父尚真王

尚清係弟五子

母華仁

妃思真錢金按司加那志號月江

毛氏兼城之女嘉靖三十

三年甲寅六月十三日有三夫人城之大按司
薨生壽不傳葬于玉陵

志良禮童名真鶴金瓠瑞室宜野灣間切謝名村新城尔也女新

城子孫始大按司志良禮童名真美那古金瓠用梶姓

后德樂氏屋宜親聖大按司志良禮童名真世上昌寔之女

仁金瓠禮室王農大親之女又有一妻與那原阿兵母

志良禮瓠誠淑那氏堅嘉之妹童名不傳

王有十男二女長子曰尚復稱中城王子無後夫人后德所生

次日尚元後登王位妃次日尚楊叢稱勝連次

中山白尚鑑心稱大伊江王子無後次日阿應理屋惠按司加

那志童名不傳號德大無後次日尚桓稱北谷王子次日尚

范國稱東風平王次日尚宗賢稱伊江王子夫

次日尚洪德稱讀谷山王子次日尚龔禮稱豐

王次曰首里大君按司加那志童名不傳號桂月無後

不詳稱羽北王子與那原次日尚悅稱羽北志良禮所生

附記

明正德二年丁卯領中城稱中城王子

紀

明嘉靖六年丁亥即位

國相傳不

法司馬誠驥

尚真王代任法司職

真伊久佐

稱官平大屋子森見于嘉

靖二十二年癸卯嘉田

樽金

稱幸地大屋子森見于嘉靖二十五

之花碑記其裔孫不存

真德

稱內間夫真榮久佐間大

年丙午繼世門

真德

屋子森

屋子森但見于嘉靖三十三年

麻勃都

真王法司亦有

麻勃都者是而

吳啓元

東元宰殷達魯封德新

人而派一人也

毛龍吟

和為美葛可昌俱十三員任職返職年月不詳故合紀焉

本年秋世子尚清遣正議大夫鄭繩等奉表進

貢并請襲封繩等回至海中遇風溺死

八年己丑秋又遣長史蔡瀚使者馬吾喇等奉

表入貢再申前請禮部以襲封重典命福建鎮

巡官查訪申報蔡瀚又請許官生蔡廷美等四

人歸國婚娶世宗許之給賞幣布有差

十年辛卯秋遣正議大夫金良長史蔡瀚等奉

表貢方物并贖國中人民結狀後請襲封

宗命史料左給事中陳侃行人司行人高澄為

冊封正副使

十二年癸巳秋遣正議大夫梁椿使者馬吾喇

等奉表貢方物

舊制外國貢使至京師皆有防

居常皆閉館不出忱

朝鮮琉球防之頗寬

十三年甲午夏世宗遣正副使陳侃高澄齋

詔至國諭祭故王尚真封世子尚清為中山王

詔曰朕恭膺天命為天下君允推行乎庶政必

斟酌夫古禮其於錫爵之典未嘗以海內外而

有問焉爾琉球國遠在海濱久被聲教故國王

尚真夙紹顯封已踰四紀茲聞薨逝屬國請封

世子尚清德惟克類衆心所歸宜承國統朕篤

念懷柔之義用嘉敬順之誠特遣使齎詔封爾

為琉球國中山王仍賜以皮弁冠服等物王宜

慎乃初服益篤忠勤有光前烈國中蕃俊臣僚

其同寅翼贊協力匡扶尚殫事上之心恪盡臣

藩之節保守海邦永底寧謐 勅曰惟爾世守
海邦繼膺王爵敬順天道世事皇明爾父尚真
自襲封以來恭勤匪懈比者薨逝良用悼傷爾
以冢嗣國人歸心理宜承襲茲特遣使封爾為
琉球國中山王并賜爾及妃冠服綵幣等物爾
宜祇承君命克紹先業修職承化保境安民以
稱朕柔遠之意

十四年乙未春王遣王舅毛寶長史蔡瀚等貢
方物謝襲封恩享賚如例 世宗仍賜王錦幣
等物先是工以金四十兩饋 冊使陳侃等侃
等固辭不受毛寶等并以金奏進 世宗命侃
等受之

十六年丁酉春王發兵征大島先是大島有酋
長數人而一人叫與灣大親與灣大親為人性
資忠孝惟善是務同僚首表皆是奸佞與與灣
大親不睦其同僚來入貢時奏言與與灣大親有

謀叛之意請誅之若遲延必難制焉王以大鳥
阻海虛實難辨之故被訛惑是年命將發兵往
討與濟大親官軍上岸與濟大親仰天嘆曰吾
無罪而就死知我者天乎自縊而死兵擄其子
載軍實而還與濟大親之子名叫獠中
城其裔孫姓馬至今繁盛
本年秋季王遣正議大夫陳斌長史蔡廷美等貢
方物并進箋方物慶賀皇太子宴賚如例
十八年己亥秋王遣長史梁梓等貢馬及方物

時梁梓等奏請補造海舟四隻以便續貢禮部
以聞世宗許之宴賚如例梓等于福州造舟
如式
二十年辛丑春王遣王舅殷達魯正議大夫蔡
瀚等貢方物并慶賀宴賚如例
二十一年壬寅漳州人陳貴等通番過海至國
適與潮陽海船爭利互相殺傷長史蔡廷美盡
沒其貲陳貴等以夜奔為守臣所捕并多掩殺

王命械繫陳貴等七人遣蔡廷美等至福州誣
為寇賊巡按御史徐宗魯會同三司官譯審列
奏世宗允部覆治以通番律仍命福建守臣
啓諭國王無輕與中國商民互市後若不法即
絕其朝貢自此而後中國商船終不復來
但本國有與諸夷海國交通耳
二十二年癸卯春王遣正議大夫陳賦等貢馬
及方物宴賚如例并以禮幣報王時王奏請官
生梁炫等就學南監己踰七年賜歸娶世宗

詔給資糧驛騎并遣人護送

二十三年甲辰王諭法司曰王城西北圍以二
重緊如鉄壁但東南一重似不堅牢汝等督工
運石于美福門外宜加一重此吾素意也法司
奉旨即起工築雉堞為二重如西北其高五丈
濶二丈長一百十五丈題門曰繼世至二十五
年丙午告成時法司封德新
樽金吳啓元
二十四年乙巳春王遣長史梁顯等貢方物并

遣都通事蔡朝慶等送還朝鮮漂流人口宴賚
如例

二十六年丁未王命法司新建大美殿先是王
為世子特遠在中城自造小殿于首里以便問
安及即位乃諭法司曰禁中宮殿特有諸神出
現而樣清潔之所若子女降生及喪服等事許
行于此則似有漫瀆神靈且每春秋二仲夫人
女子及宮女等出在菩提寺燒香尤不便焉今

宜就舊宅增造殿三而為降生喪禮及春秋節
薦之所法司奉旨是年八月起工越年十二月
告成名曰大美殿後有遺旨云永守此制決勿
革變

本年春王遣正議大夫陳賦長史蔡廷會等貢
方物宴賚如例特廷會與給事中黃宗槩交通
饋謁事覺禮部奏請陳賦等并革其賞世宗
曰陳賦無罪賞如例廷會交結朝臣法當重治

念屬貢使姑華賞示罰

二十八年己酉春王遣正議大夫梁顯等貢方

物宴賚如例

二十九年庚戌王遣官生蔡朝用等五人至京

請入監讀書 世宗許之詔給如例

三十年辛亥秋王遣正議大夫蔡廷會長史梁

炫等貢方物宴賚如例

三十二年癸丑春王遣長史梁炫使者達魯嘉

尼等貢方物宴賚如例

本年王以屋良座森係江口緊要之所創築雄

堞以開邦家之壯觀

時法司真榮久
佐真德東元宰

三十四年乙卯春王遣正議大夫梁碩使者馬

忠章等貢方物其疏言貢舟至港其勢必壞不

可涉海請令碩等買海上民船駕歸 世宗詔

福建守臣覆狀聽買不得過大梁碩等又請放

官生葵朝用等歸國省親 世宗亦許之遣人

送歸

附 嘉靖年間王命輔臣加建國門榜曰待賢

後改榜字曰首里

嘉靖七年八年兩遣使請封疑是此時建之歟

本年六月二十五日薨在位二十九年壽五十

九葬於王陵 王英明豁達御下有嚴為事必

果務精于治

附 尚清王染疾危甚召法司毛龍吟和為美

葛可昌于龍榻前遺命三人曰孤命將盡汝等

奉世子元協力贊翼以保邦家言訖而薨後和

為美葛可昌心志變易謂群僚曰世子尚元為

人柔弱惟尚鑑心宜承國統以就大位諸僚臣

諛從其議者最衆或心思忠義亦畏其權威而

不敢言者有之毛龍吟察知此事大怒曰尚元

乃正妃之所生邦家之冢嗣也我聞立長紹世

天倫之大順古今之常道况我等已奉遺命宜

竭忠勤保守社稷豈可妄棄遺命而廢天倫耶

若有執拗而負王命者我必委身于刀鋒見先
王子泉下然後我志可解矣時諸僚臣內稍存
忠義者皆從毛龍吟由是和為美當可昌畏懼
無言毛龍吟擇吉率領群臣奉世子尚元就大
位國以安然

尚元王

神號日始按司添童名不傳明嘉靖七年戊子降誕

俗稱久米中城王子

父尚清王尚元係第二子

母毛氏思真錢金按司加那志號月江

妃真和志聞得大君加那志號梅岳萬曆三十三年乙巳

正月十日薨葬于玉陵童名生壽又有三夫人

久米具志川大按司志良禮童名真鍋樽金號

雪嶺 西原間切幸地村 前東之按司童名真鍋

樽金號梅嶺 毛氏新城親方安基之女 真南風按司童名真

津比樽號南霜 毛氏豐見城親方盛庸女

主有三男一女長子曰尚康伯 稱久米具志川王子夫人雪嶺

所次曰尚永 後登位 次曰首里大君按司加那志

童名號一枝 嫁毛氏懿俱 次曰尚久 稱大金武王子夫人

梅嶺 所生

尚山紀

明嘉靖三十五年丙辰即位

國相 不傳

法司毛龍吟和為美葛可昌 王即位時俱在法司 澤子 見

嘉靖四十一年壬戌奉神門 塔上石欄之碑記其裔不存 穆源德馬順德毛

廉翁壽祥馬良詮馬世榮 其餘不傳且各在職年數不詳故合紀焉

三十六年丁巳春稱世子遣正議大夫蔡廷會

長史蔡朝器使者尹德美等入貢兼請襲封并

以本國海疆守臣馬必度所獲中國被掠金坤

等六名送還時廷會等其言窮島遠人須東南
風汛始得歸國進貢累重乞如三十四年例每
歲自買歸舟不候題請世宗嘉其忠順許之
仍賜勃獎諭賞銀五十兩綵幣四表裏且馬必
度及蔡廷會等俱有厚賜
三十七年戊午世宗命刑科給事中郭汝霖
行人李際春為冊封正副使因海寇出沒不
時未及開洋

三十八年己未秋遣正議大夫蔡廷會長史梁
炫等奉表貢方物并謝恩時廷會等具言海中
風濤叵測海寇出沒不時恐使者有他虞獲罪
上國請如正德中封占城故事賚回詔冊不煩
天朝遣封福建巡按御史樊獻科以聞世宗
命禮部議禮部議奏昔正德中占城國王為安
南所侵竄居他所故令使者賚回勅命乃一時
權宜然占城國王沙古卜洛猶懇請遣使封為

蠻邦光重今琉球在海中諸國頗稱守禮累朝
以來待之優異每國王嗣立必遣侍從之臣奉
命服飾冊以往著為例且廷會無世子印文若
邊輕信其言萬一世子以遣使為至榮以遣拜
為非禮不肯受封復上書請使如占城將誰任
其咎哉乞凡朝貢并下冊封如例以示大典
世宗從之
本年法司和為羨葛可昌有罪被流和為羨流于久米島

葛可昌流于伊比屋

三十九年庚申冬遣長史梁炫使者馬加尼等
迎接封冊

四十一年壬戌于奉神門前創立石欄告成時法

司澤子毛廉馬良詮

本年海氛稍靖世宗遣冊使郭汝霖李際
春齋詔至國諭祭故王尚清封世子尚元為中
山王詔曰朕受天命主宰寰宇凡政令之宣

布惟成憲之是循其於錫封之典遐通均焉爾
琉球國遠處海陬聲教漸被修職效義閱世已
久故國王尚清顯荷爵封粵踰二紀茲者薨逝
屬國請封世子尚元朕念厥象賢家心歸附是
宜承紹國統特遣正使刑科右給事中郭汝霖
副使行人司行人李際春齎詔往封為琉球國
中山王仍賜以皮弁冠服等物王宜謹守禮度
益為忠勤凡國中官僚耆舊尚其同心翼贊以

佐乃王飾躬勵行用保藩邦故茲詔示咸俾悉

當時天使館大門內有公堂一座進則寢堂
知冊使二夏共馬東西廊二後小堂一僅容從
者冊使郭公等以海氣鬱蒸室廬卑隘而憂
之大夫蔡廷美以聞王即命廷美鳩工掄材相
地後垣約丈餘許不日而成結竹籬于兩傍植
花草于前楹頗有幽雅趣郭汝霖等大喜乃書
其扁曰息思其託今存次後每會冊
使來臨必于寢堂後構小樓二著為例

本年秋王遣王舅穆源德長史蔡朝器等偕

冊使郭汝霖等入京翌年奉表獻方物謝襲封

恩先是王以金四十兩餽郭汝霖等不受穆源

德齋金請命。世宗曰：朝廷命使無受謝之義。詔聽汝霖等辭，尋以二臣遠行著勞，各賜銀幣。四十二年癸亥春，王遣正議大夫鄭憲使者源善等奉表入貢，併送還中國漂流人口。世宗降勅褒諭，賜鏹幣，鄭憲因其疏言：「本國亦有流入中國者，乞命守臣恤遣。」世宗然之，下其疏於瀕海所司。四十四年乙丑春，王遣長史梁灼等貢馬及方

物官生梁紹、蔡煥、梁煥、鄭迴四人入監讀書，併將本國山北守臣鄭都所獲中國被掠人口送還。世宗嘉王忠順，降勅獎諭，仍賜王銀五十兩、綵幣四表，裏長史梁灼、守臣鄭都各賜銀三十兩、幣一表。裏長史梁灼、守臣鄭都各賜銀三十兩。明隆慶元年丁卯春，穆宗登極，改元隆慶。本國米知中朝，改元王遣長史蔡朝用使者亞應蘇等奉表入貢，並謝恩宴賚如例。

二年戊辰春王遣王舅翁壽祥正議大夫梁炫
等獻方物表賀 穆宗登極又遣使者宗善等
進 世宗香 三十 俱宴賚如例 三年己巳春王遣王舅毛廣長史蔡朝器等奉
箋方物慶賀 冊立皇太子併遣海境守臣由
必都等送還中國被掠人口 福建守臣以聞
穆宗以王屢效忠誠賞賜銀幣如前仍賜勅獎
勵由心都等給銀幣有差

五年辛未春王遣正議大夫鄭憲長史鄭祐等
奉表入謝併送還被掠人口 穆宗降勅獎賜
如前王又請放官生梁炤等三人歸國省親
穆宗許之 本年王親統大軍往征大島先是大島酋長與
灣大親亡後其同僚等謀反絕貢不朝由是王
親率大軍駕船五十餘往征大島賊徒領兵迎
敵戰未數次大敗而走官軍深入其境金鼓震

天勢如雷霆賊徒大驚降者無數賊首無力可
戰被縛受誅王命另立首長撫安百姓時王得
疾危甚法司官馬順德籲天祈代王既生果愈
起班師而返是年順德卒王命厚葬并以順德
累世功勞封其子為按司世受襲爵著為例

按司姓馬
其裔孫也

本年王命輔臣加建一廟于圓覺寺亦謂之御

照堂

六年壬申四月初一日薨在位十七年壽四十
五葬於玉陵 王仁愛百姓終始如一不愆不
忘遵依舊章

號慈山金氏其志頭親西之梅司號梅月童名不傳

萬氏謝名親方秀信之女王有二女長女曰開得大君加那志童名思真

世仁金號守真嫁翁次曰聞得大君加那志童

名思武大金號月巖嫁翁氏熙俱俱係女息故

以尚真王曾孫尚懿之長子尚寧為世子

尚明萬曆元年癸酉即位

國相法司毛廉翁專祥馬世榮王即仁時

國相法司毛廉翁專祥馬世榮王即仁時

法司毛廉翁專祥馬世榮俱在法司毛元龍金

國相其餘不傳且六員任職返職年月不詳故合紀焉

本年神宗登極改元萬曆本國未知中朝改

元是年春世子遣正議大夫鄭憲等奉表入貢

并以尚元王訃告兼請襲封又送還被掠人

口獎賚如例

二年甲戌春世子遣王舅馬忠叟長史鄭祐使

者馬南庇等奉表方物慶賀神宗登極已又

遣使者毛有倫等進穆宗香三十俱宴賚如

例

本年冬世子以前使正議大夫鄭憲等未回之

故遣使者馬慶通事鄭禧等移咨布司至閩探

問

三年乙亥冬世子遣長史梁燦使者衛榮等奉

表存諸囊封

本年冬世子遣正議大夫蔡朝器等奉表貢方

物除例給外神宗命禮部每五日另給鷄鵝

米麪酒果以示優異是年命戶科左給事中蕭

崇業行人司行人謝杰為正副使

五年丁丑春世子遣正議大夫梁灼等奉表入

貢宴賚如例

六年戊寅夏世子遣正議大夫梁燦等捧咨文

迎接封舟

七年己卯夏 神宗遣蕭崇業謝杰齎詔至國
諭祭故王尚元封世子尚永為中山王 詔曰
朕受天明命君臨萬方溥海內外罔不來享延
賞錫慶恩禮攸同惟爾琉球國遠處海濱恪遵
聲教世修職貢足稱守禮之邦國王尚元紹序
膺封臣節深謹茲焉薨逝悼切朕衷念其侯度
有常王封當繼其世子永德惟象賢惠能得衆
宜本國統永建外藩特遣正使戶科左給事中

蕭崇業副使行人司行人謝杰齎詔往封為琉
球國中山王仍賜以皮弁冠服等物凡國中官
僚耆舊尚其協心翼贊畢力匡扶懋猷勿替於
承先執禮益虔於事上綏茲有衆同我太平則
亦爾海邦無疆之休 勅曰惟爾先世守此海
邦代受王封克承忠順迨於爾父元畏天事大
益用小心誠節懋彰寵恩洵被遽焉薨逝良用
悼傷爾為冢嗣克修厥美群情既附宜紹爵封

茲特遣使封爾為琉球國中山王并賜爾及妃
冠服彩幣等物爾宜恪守王章遵述先志秉禮
守義奠境安民庶幾彰朕無外之仁以永保爾
有終之譽
本年冬王遣王舅馬良弼長史鄭迴使者馬勝
先等奉表進方物謝襲封恩又遣官生鄭週蔡
常鄭迴等三人入監讀書神宗命送南京國
子監給衣糧如例

本朝首里門易榜曰守禮之邦先是本國自通
中朝而來修職入貢讀書學禮太祖稱為禮
義之邦嘉靖年間禮部奏曰琉球在海中諸國
頗稱守禮又尚永王受封時制詞有云世
修職貢足稱守禮之邦由是尚永王命法司
始用守禮之邦四字為額然平常止用首里二
守每會冊使貢臨易以守禮之邦四字為例
康熙年間始定榜字曰守禮之邦

九年辛巳春王遣正議大夫梁燦等奉表入貢
宴賚如例
十一年癸未春王遣正議大夫梁灼等奉表入
貢宴賚如例
十四年丙戌秋王遣署大夫梁應等奉表入貢
十五年丁亥春王遣正議大夫鄭禮使者鄒寶
等奉表謝恩時梁應入貢在京神宗賜臣及
鄭禮梁應等如例

十六年戊子十一月二十五日薨在位十六年
壽三十葬于玉陵

尚寧王... 二十五年... 二十六年... 尚寧王... 二十五年... 二十六年...

尚寧王

童名思德金神魄日賀末接司添嘉靖西...

年甲子降誕

父尚永王

母島尻佐司箕按司加那志童名真湍金魄坤

功

附尚寧王乃尚真王之玄孫也尚真

王長子尚維衡

稱浦添王子

生尚弘業

尚

弘業生尚懿稱與那城王子尚懿生尚寧王

其母馬氏首里大君按司加那志親南枝時

尚永王無嗣故尚寧王奉命入繼大統

妃阿應理屋惠按司加那志童名真錢金瓏蘭

叢生壽不傳毛氏豐見城親方感章之女康又

有二夫人西之按司童名真鍋樽金瓏西月傳

佐邊親方厚旨之女安谷屋大按司志良禮童名真鍋樽

山金瓏涼月中城間切安谷屋村章氏安谷屋親雲上之女俱無生息故

以尚元王第三子尚久之弟四子尚豐為世子

傳紀

明萬曆十七年己丑即位

國相尚宏萬曆三十八年庚戌卒在職年數不傳其餘交代者皆

載于紀年之次

法司馬世榮金國昂毛龍文王即位時在法司職吳世濟

向里端在職年數不詳故令紀焉其餘交代者皆載于紀年

之次

十八年庚寅本國高船飄至朝鮮舟破朝鮮王遣使解送至京而後回國
本年春遣正議大夫梁應長史鄭週使者鄔賓等奉表貢方物入謝
時未以尚永王訃告于朝宴賚如例
十九年辛卯春遣正議大夫鄭禮使者馬良臣等奉表入貢始以尚永王訃告并言國方多事未暇請封禮部咨言父王既薨宜速請襲爵鎮壓國人毋以地方多事為辭
宴賚如例

二十年壬辰因法司馬世榮致仕而馬良弼繼任其職
二十一年癸巳冬遣正議大夫鄭禮等貢方物宴賚如例
二十二年甲午冬遣使者于灞等迎接京回貢臣時于灞等自為世子尚寧請封福建撫臣許孚遠以海氛未息議奏遣使齎勅至福建聽來使面領或遣慣海武臣同彼國使臣往尚其無

虞神宗曰待世子表請然後如歲領封是年國
人哈那等船飄至温州浙江巡撫劉元霖以聞
神宗命優恤遣還由是翌年乙未福建撫臣差
漳州人阮國護送回國
二十四年丙申秋遣署大夫金仕歷等貢方物
入謝
二十七年己亥春遣長史鄭道等貢方物入謝
請襲封爵禮部議奏今己海氛甚盛但取其該

國王舅法司等官印結與世子奏本到京即頒
勅封不必遣官
神宗曰琉球既來請宜選廉
勇武臣一員同往行禮
二十八年庚子秋遣長史蔡奎使者毛如鳳等
奉表貢方物仍請襲封禮部右侍郎署尚書事
朱國祚奏言琉球國僻處東南世修職貢時當
承襲屢遭傳警延迨至今既經世子尚寧奏請
相應准封其該用皮弁冠服紵絲等項宜照例

應付遣官已奉明旨但擬其陳乞情詞接引會
典必以文臣為請惟聖明裁定神宗從之命
兵科給事中洪瞻祖行人司行人王士禛為
冊封正副使但海氛未息而未及開洋瞻祖以
病卒命以兵科右給事中夏子陽代之時長史
蔡奎等先回失路由是福建守臣仍遣漳人阮
國乞國鼎護送歸國次後乞國鼎奉旨
全阮國入國受仕
二十九年辛丑翁寄松任法司寄松繼兼入任
法司今難考焉

本年秋季遣正議大夫鄭迨等奉表入貢
三十年壬寅秋遣王舅毛繼祖長史蔡朝信等
奉表貢方物慶賀冊立東宮并謝賜還本國
漂流人口并各賜衣服帽襪
三十三年乙巳神宗命正副使夏子陽等作
速渡海以彰大信仍傳諭本國以後領封海上
著為定規于時夏子陽等齎勅至閩而撫臣徐
學聚全巡按方元彥以濱海多事警報不止奏

請如前旨遣武臣前往夏子陽等其言屬國言
不可爽使臣義當有終乞堅成命以慰遠人
神宗從之
本年始以天界寺為廟止請貴戚可受王薦者
而奉安于此廟著為定規
本年法司翁壽松被鄭迴讒貶為百姓翌年丙
午鄭迴繼任其職
三十四年丙午 神宗遣夏子陽等齋詔至國

諭祭故王尚永封世子尚寧為中山王 詔曰
朕恭膺天命誕受多方爰暨海隅罔不率俾聲
教所訖慶賚惟同爾琉球國僻處東南世修職
貢自我皇祖稱為禮義之邦國王尚永祗襲王
封恪遵侯度俟焉薨逝哀惻朕心其世子寧賢
足長人才能馭衆間閔請命恭順有加念其國
統攸歸人心胥屬宜膺寵渥固我藩籬特遣正
使兵科右給事中夏子陽副使行人司行人王

士復齋詔往封為琉球國中山王仍賜以皮弁
冠服等物凡國中官僚耆舊尚其殫忠輔導協
力匡襄堅事上之小心筆承先之大業永綏海
國共寧昇平惟爾君臣亦世世永孚於休
勅
曰惟爾上世以來建邦海外代膺封爵長固藩
維爾父永恪守王章小心祇畏忠誠茂著稱我
優嘉遽至長終良深悼惻爾為冢嗣無忝象賢
既允群情宜崇位號特茲遣正使兵科右給事

中夏子陽副使行人司行人王士復齋勅諭封
爾為琉球國中山王并賜爾及妃冠服綵幣等
物爾宜益虔候度克紹先猷保又人民奠安境
土庶幾恢朕有截之化抑亦貽爾無疆之休
本年冬王遣王舅毛鳳儀正議大夫鄭道使者
芝巴那等奉表進方物謝襲封恩
時王
金不受附奏
洪武永樂間賜閩人三十六姓知書者授大夫
長史為貢謝之司習海者授通事總管為指南

之備今世久人湮文字音語海路更針常至違
錯乞依往例更賜教人禮部以聞翌年丁未
神宗仍以阮國毛國昂二人許入本國臣籍即
今唐榮阮毛二姓是也
三十五年丁未秋王遣長史鄭子孝等奉表入
貢宴賚如例

三十七年己酉春日本以大兵入國執王至薩

本年冬王遣工男毛鳳儀長史金應魁崇馳報
兵警致緩貢期福建巡撫陳子良以聞
三十九年辛亥王留薩州二年王言吾事申朝
義當有終卒被放回然後國復晏然
本年因法司鄭週有罪被誅而毛鳳朝繼任其
職
本年因國相尚宏卒而西来院住僧菊隱國師
任相臣加判後

在後年
月不詳

本年因法司內里端致仕而毛鳳儀繼任其職
四十年壬子王遣使栢壽陳華等咨言王已被
縱歸國復安然仍遣修貢 神宗命福建布司
移咨本國言琉球新經殘破財匱人之何必開
關遠來還當厚自繕聚俟十年之後物力稍完
然後復修貢職未為晚也遂定十年一貢為例
四十二年甲寅秋王遣王舅吳鶴齡今改也名曰向光祖
長史蔡堅等奉表進馬及方物請復貢期仍行

忠款之誠 神宗命禮部議禮部議奏宜勿聽

本年馬良弼續法司毛繼祖而任其職

四十四年丙辰尚豐仕國相勤職五年後因尚寧

王無嗣入繼大統

四十五年丁巳王遣王舅毛繼祖正議大夫蔡

堅等具奏請復貢期部議如前

本年以高麗人為師始造陶器本國治陶自此而始

泰昌元年庚申王染疾八月命輔臣重修浦添

極樂山之陵九月十九日薨在位三十二年壽
五十七葬于極樂陵
附我國土瘠產少國用不足故與朝鮮日本
暹羅爪哇等國嘗行通交之禮互相往來以備
國用萬曆年間王受兵警出在薩州時王言吾
事中朝義當有終日本深嘉其志卒被縱回自
爾而後朝鮮日本暹羅爪哇等國互不相通本
國孤立國用復缺幸有日本屬島度佳喇商民

至國貿易往來不絕本國亦得賴度佳喇以備
國用而國復安然故國人稱度佳喇曰寶島



經樂山是後九月十九日

二十七年于祖樂後

前

運

國

事

國

國



